



Sarajevo, 12.10.2020. godine

**DELEGACIJI PARLAMENTARNE SKUPŠTINE  
BOSNE I HERCEGOVINE U  
INTERPARLAMENTARNOJ UNIJI (IPU)**

**ZAPISNIK**

**sastanka delegacije Parlamentarne skupštine BiH u Interparlamentarnoj uniji, održan  
12.10.2020. godine**

**Prisutni članovi delegacije:** g. Safet Softić, predsjedavajući delegacije Parlamentarne skupštine BiH u Interparlamentarnoj uniji, g. Predrag Kožul, zamjenik predsjedavajućeg delegacije Parlamentarne skupštine BiH u Interparlamentarnoj uniji i g. Predrag Kojović, član delegacije Parlamentarne skupštine BiH u Interparlamentarnoj uniji.

**Ostali prisutni:** gđa. Naida Mulalić, sekretar delegacije Parlamentarne skupštine BiH u Interparlamentarnoj uniji i gđica. Nataša Čabak, prevodilac za engleski jezik.

Teme sastanka delegacije su se odnosile na pozive za učestvovanje na sastanku Grupe dvanaest plus, 19. oktobra 2020. godine, također pozivi za sastanak Grupe dvanaest plus, 26. oktobra 2020. godine i poziv na 206. Sjednicu Upravnog vijeća Interparlamentarne unije, 1. – 4. novembra 2020. godine.

Prisutni članovi delegacije su se usaglasili da na sastanku Grupe dvanaest plus, 19. oktobra 2020. godine učestvuje g. Safet Softić, predsjedavajući delegacije Parlamentarne skupštine BiH u Interparlamentarnoj uniji. Na pomenutom sastanku će se glasati o kandidatu Grupe dvanaest plus za predsjedavajućeg Interparlamentarne Unije. Po nepisanom pravilu rotacije u Interparlamentarnoj uniji, pozicija predsjedavajućeg se nakon isteka mandata rotira između geopolitičkih grupa. Po ovom sistemu rotacije predsjedavanje bi trebali da preuzmu kandidati iz Grupe dvanaest plus. Prisutni članovi delegacije su razmatrali i učešće g. Nikole Špirića na sastanku Grupe dvanaest plus, 19. oktobra ali nisu donijeli odluku iz razloga što g. Nikola Špirić nije bio u mogućnosti prisustvovati sastanku delegacije Parlamentarne skupštine BiH u Interparlamentarnoj uniji.

G. Predrag Kožul, zamjenik predsjedavajućeg je predložio da se imenuje poslanica iz Predstavničkog doma Parlamentarne skupštine BiH kako bi učestvovala u glasanju za predsjedavajućeg Interparlamentarne unije, na 206. Sjednici upravnog vijeća IPU-a, 1. – 4. novembra 2020. godine. Po statutima Interparlamentarne unije, vrlo je važno poštivanje jednakosti spolova. Ukoliko naša delegacija bude sačinjena od muškaraca i žena u tom slučaju imamo pravo na tri glasa. Ako se ne ispoštuje ovo načelo, naša delegacija ima pravo na samo jedan glas.

Delegacija Parlamentarne skupštine BiH u Interparlamentarnoj uniji će se naknadno izjasniti o članovima delegacije koji će učestvovati na 206. Sjednici Upravnog vijeća Interparlamentarne unije.

ZAPISNIK SAČINILA:

PREDSJEDAVAJUĆI DELEGACIJE

Naida Mulalić

Safet Softić

Dostavljeno:

- Naslovu
- a/a